

II - ARABAKO LURRALDE HISTORIKOAREN TOKI ADMINISTRAZIOA

SAMANIEGOKO UDALA

Euskara ikasteko laguntzen deialdia

Alkatetzaren 2020ko urriaren 16ko Ebazpenaren bidez, 2019-2020 eta 2020-2021 ikasturteetako euskara ikasteko laguntzen deialdiaren oinarri-arauak onetsi ziren.

Bat etorri Dirulaguntzen Lege Orokorrak xedatutakoarekin, argitaratu egiten dira oinarri horien laburpena.

Lehenengoa. Xedea

Oinarri hauen helburua da arautzea nola emango dituen dirulaguntzak Samaniegoko Udalak norgehiagoka bidez xede jakin baterako.: Dirulaguntzen xedea honako hau izango da: euskara ikasteak eragiten dituen gastuak ordaintzen laguntzea, euskararen egoera normalizatzeko eta, bereziki, hizkuntza horren ezagutza eta erabilera handitzeko. Honako modalitate hauetan matrikulatzeak eragiten dituen gastu guztiak onartuko dira dirulaguntzarako:

- 2019ko urriaren 1etik 2020ko ekainaren 30era bitartean emandako aurrez aurreko ikastaroak.
- 2020ko urriaren 1etik 2021eko ekainaren 30era bitartean emandako aurrez aurreko ikastaroak.
- 2019ko urriaren 1etik 2020ko ekainaren 30era bitartean emandako urrutiko ikastaroak eta multimedia sistemen bitartez egindakoak.
- 2020ko urriaren 1etik 2021eko ekainaren 30era bitartean emandako urrutiko ikastaroak eta multimedia sistemen bitartez egindakoak.
- Ikastaro trinkoak.
- Barnetegietan egindako ikastaroak.

Honako gastu hauek ez dira deialdi honetan sartzen: joan-etorrien gastuak, mantenu gastuak, material gastuak eta ostatu gastuak. Dirulaguntza jasotzeko aurkeztu diren ikastaroen matrikulazio gastuak baino ez dira kontuan hartuko. Beraz, barnetegietako ikastaroetan eta antzekoetan, eskaeran ikastaroaren guztirako kostua xehatu behar da, alde batetik, matrikulazioaren zenbatekoa eta, bestetik, gainerako gastuak (materiala, mantenua, ostatua..) zehaztuta.

Euskaltegi homologatuaren ikastaroak soilik onartuko dira dirulaguntzarako.

Bigarrena. Aurrekontuko zuzkidura

Deialdi honetan ematen diren dirulaguntzen guztirako zenbatekoa ezin da izan aurrekontuan ezarritakoa baino gehiago.

Zenbateko hori nahikoa izan ezean aurkeztutako eskariei aurre egiteko, laguntzak modu proportzionalan hainbanatuko dira, gehieneko kopurura heldu arte; dena den, aurrekontu partida hori handitu ahal izango da beste partida batzuetako gastu txikiaren ondorioz.

2019ko urriaren 1etik 2020ko ekainaren 30era bitartean egindako ikastaroetarako gastua Samaniegoko Udalaren 2020ko Aurrekontu Orokorren kontura egingo da.

2020ko urriaren 1etik 2021eko ekainaren 30era bitartean egindako ikastaroetarako gastua Samaniegoko Udalaren 2021eko Aurrekontu Orokorren kontura egingo da.

Hirugarrena. Onuradunak

Dirulaguntza hauek Samaniegoko udalerrian erroldatuta dauden pertsona fisiko guztiek jaso ditzakete, honako baldintza hauek betez gero:

- Samaniegoko udalerrian erroldaturik egotea gutxienez jarraikako urtebetean dirulaguntza eskatzen den ikastaroa hasi baino lehen.
- 16 urte baino gehiago edukitzea.
- Deialdiaren lehen oinarrian zehazten diren ikastaro modalitateetako batean matrikulatuta egotea euskara irakasten den zentro batean.
- Deialdiaren laugarren oinarrian zehazten diren baldintzak betetzea.
- Ezin dira onuradun izan Dirulaguntzei buruzko azaroaren 17ko 38/2007 Lege Orokorrak 13. artikuluan zehazten dituen egoeretako batean dauden pertsona fisiko nahiz entitateak.
- Ezin dira onuradun izan laguntza jasotzeko konputatzen den aldia hasten denean nahitaez eskolaratu beharreko adina duten pertsona fisikoak, eskolaratuta egon zein ez egon.

Laugarrena. Eskabideak eta dokumentazioa aurkeztea

Eskatzaileek honako dokumentazio hau aurkeztu behar dute Samaniegoko Udalaren bulegoetan (Sor Felicias, 1 – 01307 Samaniego) edo azaroaren 26ko 30/1992 Legeak, herri administrazioen araubide juridikoari eta administrazio prozedura erkideari buruzkoak, eta Sektore publikoaren araubide juridikoaren 40/2015 Legeak ezartzen dituzten bideetako bat erabiliz:

- Udalak prestatutako eskabide ofiziala, ondo beteta.
- Euskaltegiaren ziurtagiria, ikastaroaren berri ematen duena:
 - Ikaslearen identifikazio datuak.
 - Matrikulatzeagatik ordaindu beharreko zenbatekoa.
 - Maila eta ikasketa orduen kopurua (astekoak eta guztira).
 - Ikastaroaren hasiera eguna eta amaiera eguna.
- Barnetegi batera joanez gero, euskaltegiaren ziurtagiria, gastuak xehatzen dituen: alde batetik irakaskuntza gastua eta bestetik mantenu, ostatu eta gainerako gastuak.
- Beste laguntzarik eskatu bada, beste erakunde batzuek emandako laguntzen zenbatekoa frogatzen duen agiria.

Bosgarrena. Eskaera aurkezteko epea

Oinarri hauetan araututako laguntzetarako eskabideak aurkezteko, hilabete izango da, deialdi hau ALHAOn argitaratzen denetik aurrera.

Eskaera eta behar diren agiriak aurkezten direnetik 10 eguneko epealdia egongo da aurkitzen diren akatsak eta irregulartasunak zuzentzeko. Eskatzaileak ez baditu zuzenketak egiten adierazitako epealdian, eskaera besterik gabe artxibatuko da.

Seigarrena. Dirulaguntzen zenbatekoa

Deialdiaren oinarrietan ezartzen diren baldintzak betetzen direla arestian azaldu bezala frogatuz gero, dirulaguntza jasotzeko eskubidea izango da. Eskatzaileak deialdian aurkeztutako ikastaroaren matrikularen ehuneko berrogeita hamar jasoko du.

Baldin eta eskaera kopurua dela-eta laguntzen gehieneko zenbatekoak murriztu behar bada aurrekontuko partidako diru kopurura doitzeko, murrizketa proportzionala aplikatuko zaie eskatzaile guztiei.

Zazpigarrena. Justifikazioa

2019ko urriaren 1etik 2020ko ekainaren 30era bitartean egindako ikastaroetarako jasotako laguntzak dirulaguntzaren eskabidearekin batera justifikatuko dira.

2020ko urriaren 1etik 2021eko ekainaren 30era egindako ikastaroetarako jasotako laguntzak 2021eko uztailaren 15a baino lehen justifikatu beharko dira. Horretarako, honako dokumentazio hau aurkeztu beharko da Samaniegoko Udalean:

1) Euskaltegiaren ziurtagiria, jatorrizkoa, ikastaroaren berri ematen duena:

- Ikaslearen identifikazio datuak.
- Ikastaroaren matrikularen kostua.

– Ikastaroa barnetegikoa edo trinkoa izanez gero, gastuak xehatu behar dira: irakaskuntza, mantenua eta ostatua.

• Ikaslearen asistentzia maila: emandako eskola orduen eta ikasleak parte hartutako orduen arteko erlazioa adierazten duen ehunekoak.

2) Ikastaroa ordaindu dela frogatzen duen bankuko ziurtagiria (edo ordainketen ziurtagiriak, zatika ordaintzea hautatu bada).

Guztiak jakin dezaten argitaratzen da.

Samaniego, 2020ko urriaren 16a

Alkatea

M. PILAR GARMENDIA IPARRAGUIRRE